



Broj: 07-07-21-51846/25
Sarajevo, 30.10.2025. godine

Na osnovu čl. 5. i 6. Zakona o slatkovodnom ribarstvu ("Službene novine Federacije Bosne i Hercegovine", br. 64/04 i 10/25), Ministarstvo privrede Kantona Sarajevo raspisuje

K O N K U R S

za ustupanje na korištenje ribolovnih područja davanjem ribolovnog prava na period od 10 godina na području Kantona Sarajevo

1. Predmet Konkursa

Prikupljanje ponuda radi ustupanja na korištenje ribolovnih područja, utvrđenih Pravilnikom o ribolovnim područjima odnosno ribolovnim zonama na ribolovnim vodama na području Kantona Sarajevo ("Službene novine Kantona Sarajevo", broj 25/25), davanjem ribolovnog prava na period od 10 godina.

Ponude se mogu dostavljati za slijedeća ribolovna područja u Kantonu Sarajevo:

- a) Ribolovno područje I;
- b) Ribolovno područje III;
- c) Ribolovno područje IV;
- d) Ribolovno područje V;
- e) Ribolovno područje VI.

Navedena ribolovna područja imaju namjenu za sportsko-rekreacioni ribolov.

2. Pravo podnošenja ponuda

Pravo podnošenja ponuda imaju fizička i pravna lica, odnosno udruženja ili organizacije sportskih ribolovaca čije je sjedište na području Kantona Sarajevo.

3. Potrebna dokumentacija

Ponudač je dužan da dostavi ponudu sa slijedećom dokumentacijom:

- a) uredno popunjen Obrazac prijave (Obrazac se može preuzeti na protokolu Kantona Sarajevo ili sa web stranice Ministarstva privrede Kantona Sarajevo <http://mp.ks.gov.ba>);
- b) uredno popunjen Obrazac naknade (Obrazac se može preuzeti na protokolu Kantona Sarajevo ili sa web stranice Ministarstva privrede Kantona Sarajevo <http://mp.ks.gov.ba>);

- c) Izvod iz sudskog registra (ne stariji od 3 mjeseca od dana podnošenja prijave), koji obavezno sadrži djelatnost ribarstvo – **samo pravna lica**;
- d) Izvod iz Obrtnog registra (ne stariji od 3 mjeseca od dana podnošenja prijave) i Rješenje o obavljanju samostalne djelatnosti poljoprivrede iz oblasti ribarstva izdatu od nadležne općine – **samo fizička lica**;
- e) Izvod iz Registra udruženja (ne stariji od 3 mjeseca od dana podnošenja prijave) i Rješenje nadležnog ministarstva o upisu u registar udruženja iz oblasti ribarstva – **samo udruženja ili organizacije sportskih ribolovaca**;
- f) Program gospodarenja ribolovnim područjem za koje se konkuriše odnosno podnosi ponuda;
- g) Izveštaj o sudjelovanju i/ili postignutim rezultatima na sportsko-ribolovnim domaćim i međunarodnim takmičenjima sa potvrdom/potvrdama od Sportsko ribolovnog saveza Federacije Bosne i Hercegovine kao dokazom;
- h) Izveštaj o drugim aktivnostima (čišćenje područja oko riječnih tokova), edukacije, promocije, popularizacija sportskog-rekreativnog ribolova sa potvrdom/potvrdama od subjekata kod kojih su aktivnosti provođene kao dokazom;
- i) Karton deponovanih potpisa iz banke osoba odgovornih za finansije;
- j) Bilans stanja i bilans uspjeha za prethodnu kalendarsku godinu;
- k) Izvod iz banke o stanju na računu za prethodni mjesec;
- l) Uvjerjenje od Porezne uprave Federacije BiH da prema poreznoj evidenciji ponuđač nema obaveza odnosno da nema duga po osnovu javnih prihoda, niti neizmirenih obaveza po osnovu doprinosa za penzijsko-invalidsko i zdravstveno osiguranje i osiguranje od nezaposlenosti (ne starije više od 3 mjeseca od dana predaje ponude);
- m) Uvjerjenje nadležnog suda da u krivičnom postupku nije izrečena pravosnažna presuda kojom je ponuđač osuđen za krivično djelo učešća u kriminalnoj organizaciji, za korupciju, prevaru ili pranje novca (ne starije više od 3 mjeseca od dana podnošenja prijave).

Navedena dokumentacija se dostavlja **u originalu ili ovjerenim kopijama**.

4. Rok za dostavljanje ponuda

Rok za dostavu ponuda sa potrebnom dokumentacijom je **30 dana** od dana objavljivanja Konkursa u dnevnim novinama i na web stranici Ministarstva privrede Kantona Sarajevo <http://mp.ks.gov.ba>

Ponuđač može do isteka roka za dostavu ponuda dostaviti izmjenu i/ili dopunu ponude. Izmjena i/ili dopuna ponude dostavlja se na isti način kao i osnovna ponuda s obaveznom naznakom da se radi o izmjeni i/ili dopuni ponude.

5. Način i adresa dostavljanja ponuda

Ponuda se čvrsto uvezuje na način da se onemogućí naknadno vađenje ili umetanje listova.

Sve stranice ponude moraju biti numerisane.

Ponuda se piše neizbrisivom tintom.

Ponude na Konkurs sa potrebnom dokumentacijom podnose se u zatvorenoj koverti isključivo na centralni protokol Kantona Sarajevo, sa naznakom:

**Kanton Sarajevo
Ministarstvo privrede
Reisa Džemaludina Čauševića 1
71 000 Sarajevo**

***“Konkurs za ustupanje na korištenje ribolovnih područja na području Kantona Sarajevo”
- NE OTVARATI -***

6. Kriterij za odabir najpovoljnijeg ponuđača

Za najpovoljnijeg ponuđača odabrat će se ponuđač koji je dostavio propisanu dokumentaciju i koji je ponudio najveći iznos godišnje naknade za ustupanje na korištenje ribolovnog područja.

Napomena:

U skladu sa Odlukom o visini minimalne naknade za ustupanje na korištenje ribolovnih područja (*“Službene novine Kantona Sarajevo”*, broj 41/25), ponuda godišnje naknade za ustupanje na korištenje ribolovnog područja **ne može biti ispod:**

- a) **1.000,00 KM** za Ribolovno područje I;
- b) **2.000,00 KM** za Ribolovno područje III;
- c) **300,00 KM** za Ribolovno područje IV;
- d) **500,00 KM** za Ribolovno područje V;
- e) **2.000,00 KM** za Ribolovno područje VI.

7. Ostalo

Dodatne informacije mogu se dobiti na broj telefona 033/562-141.



MINISTAR

Zlatko Mijatović